

სახელმწიფო შესყიდვების შესახებ ხელშეკრულება №-----
 ელექტრონული ტენდერი აუქციონის გარეშე (NAT) -----
 (წინამდებარე ხელშეკრულება დეტალურად დაზუსტდება
 მიმწოდებლის სატენდერო წინადადების შესაბამისად)

ქ. თბილისი

-- აგვისტო 2019 წელი

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – „სახელმწიფო შესყიდვების შესახებ“ საქართველოს კანონის საფუძველზე, შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრულად შესრულებისათვის;
- 1.3 „დღე“, „კვირა“, „თვე“ - კალენდარული დღე, კვირა, თვე;
- 1.4 „შემსყიდველი“ - ორგანიზაცია, რომელიც ახორციელებს შესყიდვას;
- 1.5 „მიმწოდებელი“ - პირი, რომელიც ახორციელებს მომსახურების გაწევას ამ ხელშეკრულების ფარგლებში;
- 1.6 „საქონელი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების დამდები მხარეები

წინამდებარე ხელშეკრულება დადებულია:

ერთი მხრივ, **სსიპ ღვინის ეროვნულ სააგენტოს** (შემდგომში „შემსყიდველი“) მდებარე ქ. თბილისი, მარშალ გელოვანის გამზ №6

და მეორე მხრივ, ----- (შემდგომში „მიმწოდებელი“) შორის.
 მდებარე -----

3. ხელშეკრულების საგანი

ხელშეკრულების საგანს წარმოადგენს სახელმწიფო ბიუჯეტის სახსრებით (ქვეპროგრამა: რთველის ხელშეწყობის ღონისძიებები) 2019 წლის რთველის ღონისძიებებისათვის ბრენდირებული მაისურების (CPV კოდი: 18332000; 18333000) შესყიდვა ელექტრონული ტენდერის საშუალებით (სატენდერო განცხადების № -----).

4. ხელშეკრულების ღირებულება

- 4.1. მოსაწოდებელი საქონლის საერთო ღირებულება შეადგენს : ----- (-----) ლარს, საქართველოს კანონმდებლობით დადგენილი შესაბამისი გადასახადების გათვალისწინებით.
- 4.2. მოსაწოდებელი საქონლის ერთეულის ფასები და რაოდენობა მოცემულია დანართი №1-ში, რომელიც ხელშეკრულებას თან ერთვის და მის განუყოფელ ნაწილს წარმოადგენს.

5. მხარეთა უფლება-მოვალეობანი და მოწოდების პირობები

- 5.1. მიმწოდებელი ვალდებულია უზრუნველყოს ხელშეკრულებითა და დანართი №1-ით გათვალისწინებული საქონლის მიწოდება მისამართზე - ქ.თბილისი, მარშალ გელოვანის გამზ. №6-ი, საქონელი შესაძლებელია

მოწოდებული იქნეს ეტაპობრივად შემსყიდველის მოთხოვნიდან არაუგვიანეს 3 სამუშაო დღის ვადაში. თითოეულ ეტაპზე მოთხოვნილი იქნება არაუმეტეს საერთო რაოდენობის 30%-სა.

5.2. შემსყიდველი ორგანიზაცია ვალდებულია მიმწოდებლის მიერ ხელშეკრულებით ნაკისრი ვალდებულებების სრულად და ჯეროვნად შესრულების შემთხვევაში აუნაზღაუროს მას მოწოდებული საქონლის ღირებულება.

5.3. შემსყიდველი არ აგებს პასუხს მიმწოდებლის მიერ მესამე პირებისათვის მიყენებულ ზიანზე ან ზარალზე.

5.4. უფლება აქვს საქონლის მიწოდებისას მიმწოდებლის თანდასწრებით შეარჩიოს შესყიდვის ობიექტის ნიმუშები მისი მოთხოვნებთან შესაბამისობის დადგენის მიზნით. იმ შემთხვევაში, თუკი დადგინდება, რომ იგი არ შეესაბამება ხელშეკრულებით განსაზღვრულ მოთხოვნებს, შემსყიდველი უფლებამოსილია უარი განაცხადოს საქონლის მიღებაზე.

6. მოწოდებული საქონლის მიღება-ჩაბარების წესი

საქონლის მიღება დასტურდება მიღება-ჩაბარების აქტის სახით. მიღება-ჩაბარების აქტი ფორმდება ელექტრონული ფაილის სახით, მხარეთა უფლებამოსილი წარმომადგენლების კვალიფიციური ელექტრონული ხელმოწერით.

7. ხელშეკრულების შესრულების კონტროლი

7.1 შემსყიდველი უფლება აქვს, საქონლის მიწოდების ნებისმიერ ეტაპზე, განახორციელოს ამ ხელშეკრულების შესრულების კონტროლი. ასეთ შემთხვევაში, კონტროლს განახორციელებს სსიპ ღვინის ეროვნული სააგენტოს სამეურნეო სამმართველო.

7.2 შემსყიდველის შესაბამისი წარმომადგენლის (წარმომადგენლები, საჭიროების შემთხვევაში ასევე მოწვეული ექსპერტი) მიერ საქონლის წუნის აღმოჩენის შემთხვევაში, მიმწოდებელი ვალდებულია შეტყობინების მიღებიდან დაუყოვნებლივ გამოასწოროს წუნი. იმ შემთხვევაში თუ არასათანადო მომსახურების (წუნის) გამოსწორება შეუძლებელია და შემსყიდველს უკვე გადახდილი აქვს საქონლის ღირებულება, მიმწოდებელი ვალდებულია შემსყიდველს დაუბრუნოს აღნიშნული არასათანადო (წუნდებული) საქონლის ღირებულება;

7.3 ამ მუხლის 7.2 პუნქტით გათვალისწინებული არასათანადო მომსახურების გამოსწორება უნდა განხორციელდეს ამ ხელშეკრულების ვადის გასვლამდე.

8. საგარანტიო პირობები

8.1 მიმწოდებელი უნდა იძლეოდეს გარანტიას, რომ მიწოდებისას საქონელს არ ექნება ხარვეზი, იქნება ხარისხიანი და სატენდერო დოკუმენტაციით გათვალისწინებული პირობების შესაბამისი.

8.2 მიმწოდებელი ვალდებულია საკუთარი სახსრებით უზრუნველყოს მოწოდებული საქონლის დაბალი ხარისხით გამოწვეული ყველა გამოვლენილი ხარვეზის ან/და დაზიანების გამოსწორება.

8.3 მოწოდებულ საქონელზე უნდა ვრცელდებოდეს საგარანტიო პერიოდი, შესაბამისი მიღება-ჩაბარების აქტის გაფორმებიდან მინიმუმ 6 თვის განმავლობაში.

8.4 მიმწოდებლის მიერ 8.2 პუნქტით გათვალისწინებული ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოშობილი ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება (თუ შესყიდვის ობიექტის საფასური უკვე გადახდილია) ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან (თუ შესყიდვის ობიექტის საფასური გადახდილი არ არის).

9. ანგარიშსწორება

9.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო, ხელშეკრულებაში მითითებული მიმწოდებლის საბანკო რეკვიზიტების შესაბამისად.

9.2 შემსყიდველი იღებს ვალდებულებას გადაუხადოს მიმწოდებელს ფაქტობრივად მიწოდებული საქონლის ღირებულება შესაბამისი მიღება-ჩაბარების აქტის გაფორმებიდან 10 (ათი) სამუშაო დღის ვადაში.

9.3 თუ ანგარიშსწორების განხორციელების ვადის ბოლო დღე ემთხვევა არასამუშაო დღეს, ანგარიშსწორება განხორციელდება მომდევნო სამუშაო დღეს.

10. ფასები

10.1. წინამდებარე ხელშეკრულების მე-4 მუხლში დაფიქსირებული ფასი წარმოადგენს ხელშეკრულების ღირებულებით პარამეტრს, რომლის გაზრდა დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.2. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით და დასტურდება ორივე მხარის უფლებამოსილი წარმომადგენლების ხელმოწერით.

11.2 თუ წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შესაბამისი ინფორმაციის თაობაზე შეატყობინოს მეორე მხარეს.

12. უფლებების გადაცემა

მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

13. ფორს-მაჟორი

13.1 წინამდებარე ხელშეკრულების მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული გარემოებით.

13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

13.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

14. მხარეთა პასუხისმგებლობა ხელშეკრულების პირობების დარღვევისათვის

14.1 ხელშეკრულების დანართი №1 გათვალისწინებული საქონლის მოწოდების ვადების გადაცილების შემთხვევაში მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.

14.2 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 (ათი) პროცენტს, შემსყიდველს უფლება აქვს შეწყვიტოს ხელშეკრულება და მოითხოვოს მიმწოდებლისაგან ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

14.3 მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების 20%-ის ოდენობით, ხოლო ხელშეკრულების ნაწილობრივ შესრულების შემთხვევაში - პირგასამტეხლო შესასრულებელი (დარჩენილი)

ვალდებულების შესაბამისი ღირებულების 10%-ის ოდენობით.

14.4 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

15. ხელშეკრულების შეწყვეტა

15.1 შემსყიდველი უფლებამოსილია შეწყვიტოს ხელშეკრულება, თუ მეორე მხარე არ ან არაჯეროვნად ასრულებს თავის ვალდებულებებს, ან კანონმდებლობით დადგენილ სხვა შემთხვევებში.

15.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

15.3 ხელშეკრულება შეიძლება შეწყდეს მხარეთა წერილობითი შეთანხმების საფუძველზე.

16. დავების გადაწყვეტის წესი

16.1 ხელშეკრულების შესრულებასთან დაკავშირებით მხარეთა შორის წარმოშობილი ნებისმიერი დავა წყდება ურთიერთშეთანხმების გზით.

16.2 მხარეთა შორის (მოლაპარაკების დაწყებიდან 5 დღის ვადაში) შეუთანხმებლობის შემთხვევაში დავას წყვეტს სასამართლო საქართველოს კანონმდებლობით დადგენილი წესით.

16.3. წინამდებარე მუხლის 13.1. პუნქტით გათვალისწინებული მოლაპარაკების პროცესი იწყება ხელშეკრულების ერთი მხარის მიერ მეორე მხარისთვის გაგზავნილი წერილობითი შეტყობინებით.

17. სხვა პირობები

17.1. წინამდებარე ხელშეკრულება ძალაში შედის მხარეთა ელექტრონული ხელმოწერის თარიღიდან და მოქმედებს 2019 წლის 31 დეკემბრის ჩათვლით.

17.2. ხელშეკრულება შედგენილია ელექტრონული ფორმით და დამოწმებულია კვალიფიციური ელექტრონული ხელმოწერით ან/და კვალიფიციური ელექტრონული შტამპით.

18. მხარეთა რეკვიზიტები:

შემსყიდველი

მიმწოდებელი

სსიპ ღვინის ეროვნული სააგენტო

ს/კ 204446965

იურიდ. მის.: ქ. თბილისი, მარშალ გელოვანის გამზ. №6.

საბანკო რეკვიზიტები: სახელმწიფო ხაზინა, კოდი

ბ.კ. TRESGE22; ა/ა 200122900

ტელ.: 297 41 03

დირექტორი

-----)

ს/კ -----

იურიდ. მის.: -----

საბანკო რეკვიზიტები: -----

ბ/კ -----

ა/ა -----

ტელ.: -----

ფასების ცხრილი

	საქონლის დასახელება	მახასიათებლები	ზომა	რაოდენობა ფერის მიხედვით	რაოდ. სულ (ცალი)	ერთ. ფასი (ლარი)	მწარმ. ქვეყანა, კომპანია
1	მაისური პოლო	მაისური (პოლოს ტიპის) მოკლე სახელოებით. გვერდითი ჭრილებით დაბოლოებაზე; საყელო კლასიკური, სუფთად ნაქსოვი, ქსოვილის ფერის ტონალობაში. მოკლე მკლავით, მკლავის სიგრძე 24 სმ±2სმ; საკინძე არაკლებ 2 ღილზე. ღილები ქსოვილის ფერის ტონალობაში; ქსოვილის ტიპი პენია, ქსოვილის გრამაჟი 195 გრ/მ 2±20გრ/მ 2 . ქსოვილის ბოჭკოვანიშემადგენლობა არანაკლებ 90% ბამბა. მკერდზე მარცხენა მხარეს სრულდება ბრენდირება(შემსყიდველთან შეთანხმებით) წარწერის საერთო სავარაუდო ზომები და ფერი მოთხოვნის შესაბამისად. წარწერის შესრულება მაღალი ხარისხის, მკაფიო გამოსახულებებით და სწორად შერჩეული დიზაინით, ბრენდირების ტექნოლოგია-ტრაფარეტული ბეჭდვა: გარანტია არანაკლებ 6თვე. + მაისურის ქსოვილი დამუშავებული უნდა იყოს გახუნების საწინააღმდეგო საღებავით. მაისური ჩაკერილი ავერლოკის მანქანით. მაისური უნდა ინარჩუნებდეს ხარისხსა და თვისობრივ მახასიათებლებს (რეცხვის ჩათვლით) არანაკლებ ექვსთვიანი ექსპლოატაციის პერიოდში. არ უნდა ხუნდებოდეს და რეცხვისას ზომაში არ უნდა იკლებდეს და არ უნდა იმატებდეს.	S 5 ც. თეთრი 13 ც. მუქი ლურჯი 9 ც. შავი 14 ც. ბორდო 9 ც. მუქი ცისფერი M 25 ც. თეთრი 25 ც. მუქი ლურჯი 25 ც. შავი 25 ც. ბორდო 25 ც. მუქი ცისფერი L 10 ც. თეთრი 25 ც. მუქი ლურჯი 25 ც. შავი 25 ც. ბორდო 25 ც. მუქი ცისფერი XL 5 ც. თეთრი 10 ც. მუქი ლურჯი 10 ც. შავი 10 ც. მუქი ცისფერი 10 ც. ბორდო XXL 5 ც. თეთრი 5ც. მუქი ლურჯი 5ც. შავი 5ც. მუქი ცისფერი 5ც. ბორდო	350			
2	მაისური მრგვალი ყელით	მაისური მოკლე სახელოებით. ქსოვილის ბოჭკოვანი შემდგენლობა: არანაკლებ 90% ბამბა; ყელზე მომდგარი , ჩაკერებული, მაღალი ხარისხის ნაქსოვი რეზინით; რეზინის სიმაღლე 1.8სმ + 2მმ ფაგლებში; ნაქსოვი რეზინის მიმაგრების და მხრის მიდამოების შეერთების ადგილები დამუშავებული ტრიკოტაჟის დასამუშავებელი გვირისტიტ. ქსოვილის წონა: 160 გრ/მ2 + 5გრ/მ2 ნაკერების შესრულება დაიშვება სამკერვალო ძაფით, ბამბის ძაფის უმეტესი წილის შემცველობით; ნაკერები თანაბარი, პარალელური, სწორი, გამრუდებების გარეშე; მაისური უნდა ინარჩუნებდეს ხარისხსა და თვისობრივ მახასიათებლებს (რეცხვის ჩათვლით) არანაკლებ ექვსთვიანი ექსპლოატაციის პერიოდში. არ უნდა ხუნდებოდეს და რეცხვისას ზომაში არ უნდა იკლებდეს და არ უნდა იმატებდეს. ბრენდირების ტექნოლოგია- ტრაფარეტული ბეჭდვა: გარანტია 6 თვე.	S 60 ც. მუქი ლურჯი 60 ც. მუქი ცისფერი M 70 ც. მუქი ლურჯი 70 ც. მუქი ცისფერი L 70 ც. მუქი ლურჯი 70 ც. მუქი ცისფერი XL 40 ც. მუქი ლურჯი 30 ც. მუქი ცისფერი XXL 20 ც. მუქი ლურჯი 20 ც. მუქი ცისფერი	510			

შემსყიდველი:

სსიპ ღვინის ეროვნული სააგენტო

მიმწოდებელი:
